

2
1769, 6
FACULTATIS IVRIDICAE
DECANVS

17
IOANNES CHRISTOPH.
SPITZ, ICTVS,

EMINENTISSIMI AC CELSISSIMI PRINCIPIS ELECTORIS MO-
GVNTINI CONSILIARIVS REGIMINIS, MEMORATAE
FACULTATIS ASSESSOR ET CIVITATIS
ERFORDIENSIS CONSVL
PRIMARIVS

1788
LECTORI BENEVOLO

S. P. D.

de definitione legati



STANNO NONNIANO, ACADEM. TYPOGR.

FACULTATIS IURIDICAE

DECANVS

IOHANNES CHRISTOPH.

SPITZ, ICVS

EMMENTHAMI AC CEISRIMI PRINCIPIS ELECTORIS MO

CVNTIAE CONSILIARIVS REGIVM, MEDICATAE


FACULTATIS ASS. SOC. ET CIVITATIS

ERRORIBVS CORREVE

PRIMAIVS

LECTORI BENEVOLO

S. P. D.




STAVRO NOMINAVO, ACADEMIAE






Legati definitiones in iure extant quatuor. Prima est Vlpiani, qui inquit legatum est, quod legis modo, id est, imperatiue testamento relinquitur, nam ea, quae precario modo relinquuntur, fideicommissa vocantur. Secunda est Modestini, qui asserit, legatum esse donationem Testamento relictam, *l. 36. ff. de legat. 2.* Tertia est Florentini: vt legatum sit delibatio hereditatis, qua Testator ex eo, quod vniuersum heredis foret, alteri quid collatum vult, *l. 116. ff. de legat. 1.* Quarta est Iustiniani, secundum quam legatum est donatio quaedam a defuncto relicta ab heredem praestanda. Quae definitiones omnes verbis quidem distant, sed re ipsa siue sententia plane conueniunt, & iuxta vltimam definitionem dicitur legatum *donatio*: quia ex mera liberalitate ac munificencia profisciscitur *l. 18. ff. de adimend. transfer. legat.* et nullum onus aut incommodum, sed lucrum duntaxat vt pura donatio, in se continet, qua in re differt legatum ab heredis institutione, siue ab hereditate, quae et lucrum et onus habet, sicut & bonorum possessio. *l. 32. ff. mandat. et l. 3. ff. de bon. possess.* item donatio talis est iuris figura qua res tantum singulae deferuntur, heredis vero institutio est modus deferendarum rerum per vniuersitatem. Adicitur in hac legati definitione, *quaedam* qua adiectione significatur, legatum esse donationis speciem, a donationibus vel inter vivos, vel mortis causa, distinctam. Etenim a donatione inter vivos discernitur, quod legatum vsque ad supremum vitae exitum, idque vel nuda voluntate reuocari possit. *l. 3. §. fin. ff. de adimend. vel transfer. legat.* Donatio vero inter vivos semel perfecta, temere, hoc est, nisi ex iusta causa in gratitudinis, reuocari nequeat. *§. 2. Instit. de donat.* Sic etiam legatum a donatione mortis causa discrepat. Primum quia donatio mortis causa praesentiam et conuentionem partium exigit *l. 35. §. 3. et l. 38. ff. de mortis caus. donat.*



legatum autem sine conventione alicui relinquitur et maxime in
 absentem et ignorantem confertur. Deinde, quia is, qui testamen-
 tum ut falsum accusat, legatum in eodem ipsi relictum perdit; at
 non mortis causa donationem, quoniam haec morte, non testamen-
 to, confirmatur. *l. 5. §. 17. ff. de his, quae ut indig. aufer.* praeterea
 etiam filiusfamilias patre consentiente mortis causa donare potest,
 sed non legare *l. 25. §. 1. ff. de mort. caus. donat. et l. 2. ff. de legat.*
 1. Denique donationes a vivente proficiuntur in donatarios,
 legatum autem relinquitur a defuncto, id est, demum post testa-
 toris mortem in legatarium transit. Uterius in dicta definitione
 additur: *a defuncto relicta.* Et recte quidem, quia verbum istud
 generale est, et ad omnem defunctum, tam testatum, quam inte-
 statum, pertinet; quoniam hodie postquam legata fideicommissis
 per omnia sunt exaequata *l. 2. C. commun. de legat.* non minus le-
 gatum quam fideicommissum ab intestato relinqui potest. Tan-
 dem adduntur verba, *ab herede praestanda,* siquidem heres heredi-
 tatis aditione quasi contrahit cum legatariis, et ex illo quasi con-
 tractu nascitur obligatio et actio, qua legatarius ab herede lega-
 tum petit, nec his obstat, quod legata non solum interdum ab ipso
 testatore in vita eius solvantur, *l. 22. ff. de legat. 2.* sed etiam a le-
 gatario et fideicommissario, item ab herede heredis praestentur *l. 5.*
§. si. et l. 6. ff. de legat. 3. etenim iura in his constitui oportet,
 quae ut plurimum accidunt non quae ex inopinato fiunt. Lega-
 tum autem ut plurimum ab ipso herede relinquitur ac praestatur,
 quamvis aliquando etiam a legatario vel fideicommissario relinqua-
 tur aut ab ipso testamentario praestetur, bona enim defini-
 tio aptatur ad regulam, et communiter accidentia. Coete-
 rum controversa et anceps inter doctores venilatur quaestio:
 utrum legatum sit, an vero inter vivos donatio, sicque irrevoca-
 bilis, quando testator donandi verbo utitur, ac intestamento do-
 nat aliquid praesenti et acceptanti, alii enim statuunt donationem
 in-

inter viuos esse; alii legatum esse affirmant, et horum ratio per-
 spicua est; Tum quia verba sunt intelligenda secundum subie-
 ctam materiam, in proposita autem specie, subiecta materia est
 testamentum, cui magis congruit legatum et fideicommissum,
 quam donatio interuiuos. Tum quia legatum nihil aliud est,
 quam donatio, et quibuscunque verbis fieri, atque relinqui po-
 test, tum quia in legibus praeceptum est, testamentum vii con-
 textu fieri debere nullo actu extraneo interueniente. Contra-
 ctum autem, sicque donationem interuiuos et testamentum esse
 actus diuersos totoque genere inter se distinctos actus esse, cer-
 tum est. Praeterea etiam in legibus ordinatum est, quod lega-
 tum post mortem. Testatoris recta via in legatarium transeat, *l.*
64. ff. de furt. hoc tamen non de possessione, sed de dominio est
 intelligendum. Quodsi itaque legatarius rem sibi legatam ab he-
 rede iam possessam absque illius consensu propria auctoritate oc-
 cupet, incidit in poenam edicto D. Marci sancitam, hoc est omni
 suo iure excidit *l. 13. ff. quod met. caus. l. 7. C. unde vi* WERN-
 HER *p. 4. obs. 173.* Si autem res ab herede nondum possessa a le-
 gatario fuerit occupata, legatarius quidem suum ius non amittit,
 interdico tamen quod legatorum ab herede conueniri potest, vel
 ad eius restitutionem vel adinteresse praestandum. *CAREZ. p. 3.*
Constit. 13. def. 30. Non aliter tamen hoc interdico locus est,
 quam ipsius heredis aut intuitu Falcidia, aut alia inter sit, alioquin
 exceptio: tua non interest, repellitur. Tria autem remedia iu-
 ris ordinaria ad legata consequenda dantur, scilicet actio in rem, hy-
 pothecaria et personalis ex quasi contractu, et quamuis videatur
 hic rei vindicatio intelligi, tamen etiam aliae actiones reales sub illa
 comprehenduntur; si enim res in corporalis, vel aliud ius in re sit
 legatum, tunc si seruitus sit legata, actio confessoria directa,
 si vero aliud ius, utilis datur; Ratio autem cur legatario compe-
 tat rei vindicatio, est, quia Dominium rei legatae ipso iure in lega-





rarium transit. Supponitur tamen hic, quod Species sit legata, et quidem testatoris propria. Nec obstat quod in l. 20. C. de pact. ad dominium transferendum traditio requiratur. Siquidem hoc tantum desideratur, quoties a privato in privatum dominium est transferendum, non verosi vel beneficio legis aut officio iudicis transferatur, et quando res certa, corporalis, ipsius testatoris propria pure est legata, tunc legatario statim a momento mortis dominium acquiritur, scilicet iuris fictione, ad effectum transmissio- nis, si enim legatarius ante aditam hereditatem moriatur, nihilominus legatum in suos heredes transmittit, veritate autem et effe- ctu dominium ex tempore hereditatis acquirit, si nimirum lega- tum non repudiauert, quo facto dominium eius resoluitur. Se- cunda actio est hypothecaria legatario in omnibus defuncti bonis in legati securitatem concessa l. 1. C. Commun. de legat. et quidem competit a tempore mortis testatoris contra singulos heredes, et quoque contra tertium possessorum l. 15. et 18. C. de pignor. Duo tamen singularia hic occurrunt primum, quod non detur, si plures sint heredes, contra quemlibet in solidum, sed inter illos pro rata diuidatur. Alterum, quod huius hypothecae effectus locum non obtineat quoad Testatoris creditores, quia legata non debentur, nisi deducto aere alieno, unde omnes Testatoris creditores, etiam nudi Chirographarii legatariis praesferuntur. Tertia actio est personalis et Speciali nomine appellatur actio ex testamento quia legata iure veteri tantum in testamento relinquebantur. Hodie vero relinquuntur legata quavis vltima voluntate, et ipsa obligatio non ex testamento, sed ex quasi contractu nempe ex agnitione vltimae voluntatis nascitur. Plura quidem circa hanc materiam adduci possent, sed ideo hicce breuiter abrumpitur, cum hanc ma- teriam copiosius ex cathedra publice occasione l. 80. ff. de legat. 2. sit explicaturus

❧ ❧ ❧ ❧ ❧

NOBILIS ET CLARISSIMVS
DOMINVS
IOANNES IACOBVS ROTHPLETZIUS

IVRIS CANDIDATVS

qui more Maiorum Curriculum vitae hucusque laudabiliter peractae in sequentibus exhibuit.

Quam vitae meae, in cuius fere ad huc versor initiis, memoriam quantum licet, repeto ultimam, eam quidem nullis fatorum labyrinthis, quae leporis curiositatem excitare, suspensam tenere, in admirationem rapere, ac denique intruere possint, implicitam fuisse inuenio; at in eius cursu, quae Dei providentiae debeam, innumera, quae patriae, quae parentibus, quae praeceptoribus, quae amicis per multa magnaque reperio. Ea propter humillimas summo Numini persoluo gratias, quod me in hoc rerum ordine collocare, mihi tales parentes, tales fautores, tales amicos, quibus in ingrediendo continuandoque literarum et virtutis studio iuvari possem, largiri voluerit. Hanc lucem primum adspexi d. XXVIII. Octobr. MDCCCXXXVI. Arouiae. Parvem veneror IOANNEM IACOBVM ROTHPLETZ Ciuitatis Arouiensis Consulem, matrem vero ROSINAM, HENRICI BUSER, Quae-dam Arouiensis filiam. Parentibus optimis non satis fuit, vitam mihi dedisse naturalem, nisi et ad bene beataeque viuendum consilia atque adiumenta saluberrima suppeditarent, meque tam suo laudabili exemplo praeciverent, quam fides magistris erudiendum traderent. Hinc pater me primis rudimentis literarum imbutum Bernam deduxit, ac humanissimi scholarum rectoris SCHAE-RETI disciplinae addidit, cuius Viri tam indefessa in me exstitit opera, ut quibus eam extollam, sat dignas laudes reperire nequeam. Inde Gymnasio adscriptus Latini, Graeciae et Orientis linguis, nec non humaniorum literarum orbi, ac primis earum disciplinarum elementis, quae in rerum notionibus indagandis versantur, me totum dedi, praecceptis usque Professorum Clarissimorum RODOLPH, WILHELMI, BLAYNER, WALTHARD, STAE-PEER, SALCHLI, carissimique ad finem KOCHER. Themidis autem in sacris me instituit FELLENBERG Professor doctissimus, cuius an humanitas an eruditio magis sit laudanda, in dubio mihi est relinquendum. Vi humaniores artes Studiumque Iuris penitus haurivem Lipsiam me contuli, ibique ex elegantissimis ac doctissimis praelectionibus Virorum Celeberrimorum, GELLERT, SCHOTT, SAMMET, ZOLLER, BEL, FRANKE; et SAEGER cuius insignis in me fauor, maximaque merita exstant, profeci. Tandem

pa-

patris lares reuifurus in hac Erfurtenfi Mufarum fede, quae sub fauftiffimis Electoris Moguntini auspiciis, magis magisque exsplendescit. Doctoris dignitatem mihi acquirere refolui.

Quam ob rem, vt hoc praemium exantlatorum laborum confequeretur, ordinem noftrum acceffit, atque, vt ad confueta Specimina inauguralia admitteretur, modeste petiit precibus locum dedimus, atque binos ex utroque iure textus enucleandos eidem assignauimus et diem ad Examen rigorofum habendum definiuimus, in quo textus docte interpretatus est et ad propofitas eidem quaestiones ita refpondit, vt vnanimibus fuffragiis in numerum iuris, vtriusque Candidatorum receptus, et ad reliqua Specimina inauguralia admissus, atque his praestitis dignitate Doctorali ornetur, ac votifui compos reddatur; Igitur crastino die Lunae d. xviii. 7bris lectionem cursoriam in l. 80. ff. de legat. 2. habebit atque Dissertationem inauguralem

DE
IVRISCONSULTO A IVRISPERITO,
LEGVLEIO ET RABVLA QVAM
MAXIME DIVERSO

in Auditorio iuridico publico Examini submitter. Quibus actibus folemnibus vt Vniuersitatis noftrae Magnificus Dominus Rector, nec non Academiae Proceres ac Cines haud grauatim interesse velint perquam officiofe et humaniter invitantur. Publ. sub Sigillo Facult. Iurid. die XVII. Septembris MDCCLXIX.







ERFURT, Diss., 1768/69







2
1769, 6
17
FACULTATIS IVRIDICAE

DECANVS


IOANNES CHRISTOPH.
SPITZ, ICTVS,

EMINENTISSIMI AC CELSISSIMI PRINCIPIS ELECTORIS MO-
GVNTINI CONSILIARIVS REGIMINIS, MEMORATAE
FACULTATIS ASSESSOR ET CIVITATIS
ERFORDIENSIS CONSVL
PRIMARIVS

P 283,
LECTORI BENEVOLO

S. P. D.

de definitione legati



STANNO NONNIANO, ACADEM. TYPOGR.